


5563.7  
1369  
v.10

BERKELEY  
LIBRARY  
UNIVERSITY OF  
CALIFORNIA


三



五

圖

水陽居一而



十

水陽居二而

十

圖



旅軒先生續集卷之七

雜著

冠儀

男子年十五至二十皆可冠必父母無期以上喪始可行之大功未葬亦不可行○主人謂冠者之祖父自為繼高祖之宗子者若非宗子則必繼高祖之宗子主之有故則命其次宗子若其父自主之○若宗子已孤而自冠則亦自為主人○孤子冠禮庶子冠禮別見○非宗子而冠其子者亦別附註者亦別○宗子而冠其子者亦別附註

筮日 古禮筮日今不能然但正月內擇一日可也

筮賓 古禮筮賓今不能然但擇朋友賢而有禮者一人可也○古者筮賓在戒賓之下今不得不先

擇賓故命次於筮日之下

告廟戒賓之日主人先告祠堂

前一日灑掃齊宿厥明夙興詣祠堂設酒果茅沙盥盤盥洗之

類如主人以下盛服序立男女分立東西主人盥重行俱如常儀

悅升奉出諸考神主主婦盥悅升奉出諸妣神主

主婦以下先降復位主人詣香卓前降神搢笏焚

香再拜少退立執事者盥悅升開瓶實酒于注一

人奉注詣主人之右一人執盞盤詣主人之左主

人跪執事皆跪主人受注斟酒反注取盞盤奉之

左執盤右執盞酌于茅上以盞盤授執事者出笏

俛伏興少退再拜降復位參神在位者皆再拜主

人升搢笏執注斟酒出笏立於香卓前再拜興立

祝執版出於主人之左東向跪告司維某年歲次干支幾

月干支朔某日干支孝某孫具官某敢昭告于顯某考某官府君顯某妣某封某氏云云某之子某

年漸長成將以某月某日加冠於其首謹以酒果用伸虔告謹告畢興主人再拜

降復位辭神與在位者皆再拜奉主入龕乃徹退

### 戒賓

是日主人詣賓第掌次者引之次主人盛服出立

於大門外之西東面賓盛服立於阼階下西面賓

者盛服進於賓之左北面受命出立於門東西面

曰敢請事主人曰某有子某將加冠於其首請某

子教之

稱號隨宜

賓者入告賓出立於門左西面再拜

主人東面答拜主人曰某有子某將加冠於其首

願吾子之教之也賓對曰某不敏恐不能共事以

病吾子敢辭主人曰某猶願吾子之終教之也賓

對曰吾子重有命某敢不從主人再拜賓答拜主

人退賓再拜主人不答拜遂巡退

或地遠不能自往則書初請之

辨為書曰某上某人執事遣子弟致之賓禮辭如於主人乃許以復書曰吾子有命敢不從某上某

事人執

戒贊冠者

以戒賓如戒賓之明日

宿賓

前期三日宿賓如戒賓之儀但辭曰某將冠於某之首吾子將蒞之敢

宿賓對曰某敢不夙興○或不能自往則書其辭曰某上某人執事遣子弟致之賓書答辭曰某上

某人執事

宿贊冠者以宿賓之明日如宿賓

為期

前一日夕為期于廟門之外主人立于門東兄弟

在其南少退西面北上執事皆盛服立于西方東

面北上賓者進立於主人之前東面請期執事一

人自主人之右進告曰來日質明行冠事償者以

告兄弟及有司執事者一人告事專償者告期于

賓贊冠者家

陳設

贊者率執事灑掃內外令肅潔以帟幕為房於廟

之東北無廟則廳事○或廳事無兩階則以至畫而分之掌次者設次於

大門外之右南面用帷幕設席如常

陳服器

其日夙興贊者設洗於阼階東南當東榮南北以

堂痰疊水在洗東加冪篚在洗西南肆肆陳也篚實巾一爵

一科一席於東房內西牖下牖陳服於席東領北

上黑團領黑條帶黑靴子○紅團領黑韋帶黑鞋



○澣衣大帶具五采條方履靴履各一在服南簪網巾總縫緇同束髮

篋櫛實于簞莞筵二純緇在南設尊於房戶外之西

兩甌有禁東清酒西玄酒脯醢陳於服北用豆○

程子冠匱一笠子匱一緇布冠幅巾笄匱一各一人執之

○設主人席於阼階上西面賓席於西階上東面

### 迎賓

質明賓與贊冠者至掌次者引之次賓與贊冠者

具盛服諸行事者皆盛服掌次者設賓主拜位於

大門外之東西執尊壘篚者皆就位執三冠者立

於西階之西俱南面東上主人立於阼階下少東

西面兄弟親戚僮僕在其後重行西面北上賓者立於門內道東北面將冠者童子服在房中南面

在器服之東當戶而立

贊者立於房內戶東西面賓及贊冠

者出立於門西贊冠者少退俱東面北上掌次者入告曰賓至大門外位賓者進立於主人之左北面受命出立於門東西面曰敢請事實曰某子有嘉禮命某執事儂白請入告入就主人之左北面告主人出立於大門外之東西面再拜賓答拜凡

禮必贊禮者相之

主人揖贊冠者贊冠者報揖主人揖賓

賓報揖主人先入賓入贊冠者從之每曲揖至于

廟門揖入三揖至于階三讓主人升自阼階賓升  
自西階主人立於席東西面賓立於席西東面贊  
冠者及庭立于洗西東面盥升自西階入東房立  
於贊者之南俱西面執三冠者東面北上

始加

贊者筵于房外尊東南面引將冠者出房立於戶  
外之西南面贊冠者取總簪篋及櫛篋跪奠於筵  
東端興席東少北南面立賓揖將冠者即筵南面  
跪贊冠者進筵前北面跪爲之櫛合紒設簪包網  
巾興復位立賓降主人降賓東面辭曰願吾子不

降主人對曰公降辱敢不從賓至盥洗盥手訖詣

西階賓主一揖一讓升主人升復初位端序西面

賓筵前跪正綱巾興降西階一等執冠巾者升一

等東面授賓賓受冠笄右手執項左手執前正容

徐詣冠者筵前北向立乃祝令月吉日始加元服棄爾幼志順爾成德

壽考維祺介爾景福跪乃冠固之以笄贊冠者以巾跪進賓

受加之興復位西階上贊冠者結巾纓興復位冠

者筵前興賓揖之適房解童子服服澣衣加大帶

納履出戶西正容南面立良久

再加

賓揖冠者卽筵南面跪贊冠者北面跪脫冠巾置  
於簾櫛紉網巾如初畢興復位立賓降主人降賓  
辭主人對皆如初賓盥手訖詣西階賓主一揖一讓  
升主人升復初位西面賓筵前跪正網巾興降西  
階二等受筮子執如初以詣冠者筵前北向立乃  
祝吉月令辰乃申爾服敬爾威儀跪乃加興復位  
祝淑慎爾德眉壽萬年永受胡福跪乃加興復位  
贊冠者結纓興復位冠者筵前興賓揖之適房釋  
痰衣服紅團領加韋帶著鞋出房戶西南面立如

初

三加

賓揖冠者卽筵西南跪贊冠者北面跪脫笠子置  
於篋櫛紛網巾又如初畢興復位立賓降主人降  
賓辭主人對階如初賓又盥手訖詣西階賓主一揖  
一讓升主人升復初位賓筵前跪正網巾興降西  
階三等受程子冠執如初以詣冠者筵前北向立  
乃祝以歲之正以月之令咸加爾服兄弟具在以成厥德黃耇無疆受天之慶跪乃加  
興復位贊冠者結纓興復位冠者筵前興賓揖之  
適房贊者徹櫛執事受笠子贊者徹筵入于房冠  
者釋紅團領服黑團領加細條帶穿靴出戶西南  
面立如初

醮冠者

贊者改筵于房外如初賓揖冠者就筵筵西南面

立賓降主人降賓辭主人對辨如賓盥手跪取爵

於篚興洗詣西階揖讓升主人復初位賓詣酒尊

所贊者酌酒賓執以進冠者筵前北面立乃祝酌

既清嘉薦令芳拜受祭之以定爾祥承天之休壽考不忘冠者筵西南面再拜

受爵賓還西階上東面答拜贊冠者薦脯醢於筵

前醢東脯西贊冠者就立於西階上賓之左少退冠者

即筵南面跪左手執爵右手取脯揆於醢祭於邊

豆之間祭酒不用興筵末跪啐酒執爵興降筵西

南面跪奠爵東薦南面再拜興賓東面答拜冠者遂拜贊冠者贊冠者賓左東面少退再拜

字冠者

賓降當西序東面立主人降當東序西面立贊者

引冠者降自西階立於西階之東南面賓少進字

之禮儀既備令月吉日昭告爾字爰字孔嘉髦土攸宜宜之于嘏永受保之曰伯某父仲叔季

唯其所當○賓或別作辭命以字之之意冠者曰某雖不敏敢不夙夜

祇奉冠者再拜賓不答拜

賓出

賓出贊冠者從之主人送于廟門外主人西面請



賓曰公辱執事請醴從者賓曰某既得將事敢辭  
主人曰敢固以請賓曰某辭不得命敢不從賓就  
次主人入

見廟

主人以下詣祠堂序立如主人盥悅升奉出諸考  
神主主婦盥悅升奉出諸妣神主主婦以下先降  
復位主人詣香卓前降神搢笏焚香再拜少退立  
執事者盥悅升開瓶實酒于注一人奉注詣主人  
之右一人執盞盤詣主人之左主人跪執事者皆  
跪主人受注斟酒反注取盞盤奉之左執盤右執

蓋酌于茅上以盞盤授執事者出笏俛伏興少退

再拜降復位參神在位者皆再拜主人升搢笏執

注斟酒訖立於香卓前告詞謀冠子某今冠者進

立於兩階間再拜主人出笏乃降復位辭神在位

者皆再拜奉主人龕乃徹退

見于尊長

父母於堂中南面坐諸叔父諸兄在東序諸叔父南向坐

諸兄西向立諸婦女在西序諸叔母姑南向坐冠者北

面拜父母父母為之起同居有尊長則父母以冠

者詣其室拜之尊長為之起還就東序拜諸叔父

諸叔父爲之起就西序拜諸叔母姑諸叔母姑爲  
之起東序拜諸兄諸兄答拜西序拜諸姊嫂諸姊  
嫂答夾拜冠者出見于觀禮之賓冠者拜賓答拜  
如有先生執友誨之則對如賓之辭且拜之先生  
執友不答拜

禮賓

賓主既釋服更衣賓主皆贊者改設賓席於楹間  
近北南向主人席於阼階上西向介席於西階上  
東向設衆賓席於賓席之西各南向東上坐不盡  
則東面北上又設堂下衆賓席於西階上東面北

上設尊一於賓席之東北少退實以酒醴加勺置  
筐於尊南東肆實以爵觶邊豆在尊南實以脯醢  
設洗於阼階東南如初設贊者於東階東西面北  
上贊者主人之屬設訖主人迎賓與贊冠者賓與贊冠者  
出次立於門西東面主人出立於門東西面主人  
揖賓賓報揖主人先入賓贊及衆賓從之至階一  
揖一讓升主人立於阼階上西面賓立於西階上  
東面贊冠者及衆賓立於西階西東面

### 獻賓

主人適筐跪取爵降洗賓降主人坐奠酌辭曰願

吾

子不降賓對曰公降辱主人坐取爵適洗南面坐奠

爵于篚下盥手洗爵賓進東北面辭洗願吾子主

人坐奠爵于篚與對將為公酌賓復西階下東面

主人坐取爵沃洗者西北面卒洗揖賓升賓北面

拜洗主人坐奠酌北面答拜主人適尊跪實爵賓

之席前西北面獻賓賓西階上北面拜主人少退

賓進受爵反位主人阼階上拜送爵賓少退贊者

薦脯醢於賓席前脯西醢東賓自西方升席南面立贊

者設折俎賓跪左執爵右取脯揆於醢祭於邊豆

之間祭酒啐酒興降自席東適西階上北面跪卒

爵與跪奠爵遂拜執爵與主人答拜

賓酢主人

賓降洗主人降賓坐奠爵與辭願吾子不降主人對降公

辱敢不從賓坐取爵適洗南北面主人阼階東南面辭

洗賓坐奠爵于篚與對主人復阼階東西面賓東

北面盥坐取爵卒洗揖讓如初升主人拜洗賓答

拜適尊跪實爵主人席前東南面酢主人主人阼

階上拜賓少退主人進受爵復位賓西階上拜送

爵主人少退贊者薦脯醢於主席前醢南主人由

席東自北方升席贊設折俎主人跪左執爵右取

脯揆於醯祭於籩豆之間祭酒率酒與自南方降  
席復阼階上北面跪卒爵與跪奠爵遂拜執爵與  
賓西階上答拜主人跪奠爵於東序端

### 主人酬賓

主人適篚西跪取觶降洗賓降主人辭降賓不降  
立當西序東面主人卒洗揖讓升主人實觶酬賓  
阼階北面跪奠觶遂拜執觶與賓西階上答拜主  
人跪祭遂飲卒觶興坐奠觶遂拜執觶與賓西階  
上答拜主人降洗賓降辭如獻禮升不拜洗賓西階  
上立立人實觶賓之席前北面賓西階上拜主人

少退賓起拜主人跪進罇於薦西與復阼階上位  
賓進席前北面跪奠罇於薦東與復西階上位

州幣

贊奉幣升授主人於序端賓北面再拜主人進前  
於楹間南面賓進立於主人之右俱南面執事二  
人執皮攝之內文左手并執前兩足右手并執後  
兩足入庭中三分庭一在南立庭釋外足見文賓  
受篚退復東面位賓之從者三人受皮坐攝皮適  
西階下主人還阼階北面再拜送賓降自西階從  
者迂迎受幣主人降立於阼階下西面賓立於西



階西東面

獻介贊冠者為介

主人進迎介揖讓升主人詣東序端取爵降洗介

降主人辭降介辭洗如賓升不拜洗介西階上立

主人實爵介之席前西南面獻介介西階上北面

拜主人少退介進北面受爵退復位主人於介右

北面拜送爵介少退主人立于西階東贊者薦脯

醢於介席介自北方升席贊者設折俎介跪左執

爵右取脯揆於醢祭酒執爵與自南方降席北面

跪卒爵與跪奠爵遂拜執爵與主人介右答拜

禮記卷之十一  
十一

介酢主人

介降洗主人復阼階降辭如初卒洗主人與介揖讓升授主人爵于兩楹之間介西階上立主人實爵酢于西階上立於介右跪奠爵遂拜執爵與介答拜主人跪祭酒飲卒爵興坐奠爵遂拜執爵與介答拜主人坐奠爵于西楹南復阼階上位

酬幣

如酬賓禮但無儼皮主人降立於阼階下介降立

賓南

獻眾賓

主人於阼階前西面揖衆賓遂升適西楹南跪取  
爵降洗賓長一人辭洗升實爵進於西階上獻衆  
賓衆賓之長一人升西階上北面拜受爵主人賓  
長之右北面拜送贊者薦脯醢於其席前賓長升  
席跪左執爵右祭脯醢祭酒執爵興退西階上立  
飲訖授主人爵降復位主人又適尊實酒進於西  
階上南面獻衆賓之次者如獻賓長之禮又次一  
人升飲亦如之主人適尊實酒進於西階上南面  
獻堂下衆賓每一人升取爵跪祭立飲贊者薦脯  
醢於其位訖主人受爵降奠於篚

徹俎

主人揖讓升賓厭介升介厭衆賓升衆賓序升卽  
 席贊者適阼階上東面受命于主人主人曰請坐  
 于賓贊者北面告於賓曰請賓坐賓曰唯命有司  
 徹俎賓主人各就席坐贊者降復位乃羞無筭爵  
 主人之贊者與焉

賓出

燕訖賓主俱興賓以下降自西階主人降自東階  
 賓以下出立於大門外之西東面北上主人送於  
 大門外之東西面再拜賓贊冠者不答拜遂巡而

退主人入使人歸俎於賓家

婚儀

納采 采擇之禮也

儀禮有納采問名納吉徵請期五禮行於親迎之前家禮從簡止行納采納徵而楊氏復以為請期一節亦不可廢也三禮行事必用昕古者受諸禰廟今若無廟當從僂行之古者主人筵几于戶西者為神布席也今若不行於廟則不須設神筵似當受禮後依家禮告于祠堂也

納采用鴈具書

儀禮無具書之文今依家禮具之書用牋紙書云某頓首某官執事某伏

蒙尊慈有惠既室某之子某也某有先人之禮謹遣使人納采伏惟尊鑑謹狀某年月日答云某頓首某官執事某之子蠢愚又不能教乃蒙尊慈有命其不敢辭伏惟尊鑑謹狀某年月日主人壻家

者夙興奉以告祠堂祝版云維年月日孝子某敢昭告于顯某親某官府君顯某妣

某封某氏某之子某若某之某親之子某年已長成未有伉儷已議娶某官某郡姓各之女今日納采不勝感愴謹以酒果

用伸虔告謹告使者盛服至女家古者服玄端今當用黑團領

大門外東面從者以鴈進使者受從者又以書從主

人如賓服阼階下西面僮者出請事辭曰敢賓告

吾子有惠賜室某也某有僮者入告以實辭出對主先人之禮使某也請納采

人命對曰某之子蠢愚又不敢辨主人出大門外西面再

拜賓不答拜主人揖入三揖至于階三讓主人以賓

升西面賓升西階當阿東面致命曰敢主人阼階上

北面再拜賓授于楹間南面并授先授鴈從者以書進于階下賓受之

又授主人主人先受  
賜又受書還階上賓降主人降賓出就次主人遂

奉書以告于祠堂  
祝版前同但云某之第幾女若某親某之第幾女年漸長成已許嫁

某官某郡姓名之子某今日納采不勝感愴謹以酒果用伸虔告謹告又出迎賓既升

以復書授賓于楹間賓自左南面拜受以降主人降

賓出就次賓者出請醴賓  
辨曰子為事故至於某之室某有先人之禮請禮從

者賓對曰某既得將  
事矣敢辭 儻者入告又出固請  
曰先人之禮敢固以

請賓許  
曰某辨不得命敢不從也 贊者定于戶西東上側尊瓊醴

于房中有篚有籩豆主人又出延賓入揖讓如初升

主人北面再拜賓西階上北面答拜贊者酌醴加角

柶面葉出于房主人受醴面枋筵前西北面賓拜進

受醴復西階上位主人阼階上拜送贊者薦脯醢賓

即筵坐左執觶右手祭脯醢以柶祭醴始授一祭

兩西階上北面坐啐醴建柶興坐奠觶遂拜主人答

拜賓即筵奠于薦左降筵北面坐取脯主人辭賓降

主人降賓授從者脯正禮畢賓請退主人復請升堂

以俗禮禮之其從者亦禮之別處賓出主人送于門

外再拜使者歸執脯以反命于壻父日某既得將事

主人唯日聞命矣

納徵徵成也

幣用玄纁多不踰十儷皮具書但不告廟不用馬書



某伏蒙尊慈有嘉命既室某之子某也某有先人之禮儷皮束帛謹使人納微伏惟尊鑑謹狀某年月日

答云某頓首某官執事某伏蒙尊慈頓先典既某重禮某不敢辭敢不承命敬領盛儀伏惟尊鑑謹狀某

年月日使者至大門外東面從者以幣帛加書進使者

受從者二人執皮攝之內文氣執足左首儨者出請

事賓告曰吾子有嘉命既室某也某有先儨者入告

主人出迎賓如初禮執皮者隨入西上三分庭一在

南使者升堂致命曰某敢納微執皮者釋外足見文主人

對曰吾子頓先典既某重禮某不敢辭敢不承命北面再拜遂進受幣于楹

間亦南面并受士受皮者自東出于後自左北面受坐攝

皮主人還阼階上授執事者書幣受皮者逆退適東

壁賓降主人降賓出就次此後皆同前禮

請期

請期用鴈具書書云某頓首某官執事某伏蒙尊慈有賜命某既申受命矣惟是三族之

不虞謹使人請吉日伏惟尊鑑謹狀某年月日答云某頓首某官執事某既前受命矣惟命是聽茲敢固

請于貴使既聽吉日某敢不敬使者至大門外東面須伏惟尊鑑謹狀某年月日

從者以鴈進授又以書從僮者出請事實告曰吾子有賜命

某既申受命矣惟是三族之不虞使某也請吉日僮者入告主人出迎如初

賓升堂致命曰敢請主人阼階上北面再拜賓授于

楹間如初賓還堂阿位立主人還阼階上對曰某既

矣惟命賓答曰某命某聽主人對曰某固惟賓答某

是聽

某受命吾子不許某敢不告期曰某日主人對曰某敢不敬須以復書授于

楹間如初賓降主人降賓出就次此後皆同前禮

筭

女子許嫁筭年十五雖未許嫁亦筭母為主前期三日戒賓實

擇親姻婦女之賢而有禮者為之賢以牋紙書其辭使人致之辭曰某

加筭於其首願某親之教之也曰某不敏恐不能供事以病某親然既承命某

敢不前一日宿賓亦書其辭使人致之辭曰某將加

某親將莅之某敢不夙興厥明夙興布席於中堂

如眾子之位陳服于房中西牖下東領服用冠

帽以盤盛之陳于西階下屨用時鞋主母盛服立于

阼階下西面親戚婦人在其後重行西向北上筓者

雙紒長衣房中南面賓至主婦迎于門內不用贊主

婦西面四拜賓東面答拜迎入主婦升自阼階序端

西面賓升自西階西序東面將筓者出房南面贊者

奠櫛于筵南端賓導將筓者即筵坐遂櫛正髻興降

西階受帽筓執之正容詣將筓者前向之乃祝大饗如冠

禮始加之坐加之興復位贊者導筓者適房服圓衫納

履出房南面醮用酒奠于房戶之間兩甌玄酒在西

加勺南枋筐在南實爵賓取爵于筐自酌筵前北面

筓者筵西南面拜受爵賓西序位東面答拜贊者薦

脯醢笱者卽筵坐右執爵右祭脯醢祭酒興筵末坐  
啐酒降筵拜賓答拜笱者奠爵于薦東立于筵西賓  
就次主人以笱者見于祠堂告曰某之第幾笱者進  
立於兩階間四拜乃禮賓

### 陳器饌

親迎則陳器饌當在壻家而今從俗不親迎故婦家有是陳也

期初昏陳三鼎于寢門外東方北面北上其實特豚  
合升去蹄舉肺脊二祭肺二魚十有四腊一臠髀不  
升皆飪今不得正牲腊則代用似無妨設局甯設南北二洗於室東  
隅饌于房中醢醬二豆菹醢四豆兼巾之黍稷四敦

皆蓋大羹湑在饗尊于室中北牖下有禁玄酒在西  
綵冪加勺皆南枋尊于房戶之東無玄酒筐在南實  
四爵合沓

壻行告祠堂告儀如前

儀禮無娶妻告廟之文而朱子依左氏說行之

壻盛服壻家人告于祠堂祝版前同但云某之子某若某親之子某將以

今日往娶某官某郡某氏不勝感愴謹以後同

醮子

先以卓子設酒注盤盞於堂上主人盛服坐於堂之  
東序西向設壻席於西北南向壻升自西階立於席

西南向贊者取盞斟酒執之詣壻席前壻再拜升席  
南向受盞跪祭酒興就席末跪啐酒興降席西授贊  
者盞又再拜進詣父坐前東向跪父命之曰往娶爾  
相承我宗事勉率以敬若則有常壻曰諾惟恐不堪  
不敢忘命  
俛伏興出

壻至告祠堂告儀  
如前

儀禮納采問名納吉納徵請期皆主人  
筵几於廟而拜迎於門外以聽命於廟  
及壻奉命以迎主人又筵几於廟而拜  
迎於門外者所以敬慎重正昏禮也今  
雖不能親迎而其事則重  
不可不致告于祠堂也

壻至女家蒞于次女家主人告于祠堂祝版前同但  
云某之第幾

姓名不勝感愴謹以後同

### 醮女

儀禮父醮女而俟迎者其父於西面位  
 必正衣若笄而戒之母於西階上施衿  
 結帨而勉之庶母及門內施鞶而申之  
 以父母之命者所以重其禮也今雖不  
 能迎歸醮而戒之則不可闕也○若亦  
 子已孤而自昏則不用此禮贊者擇表  
 戚婦人習於禮者為之凡婿  
 及婦人行禮皆贊者相導之

女盛飾姆相之立於室外南向父坐東序西向母坐  
 西序東向設女席於母之東北南向贊者取盞斟酒  
 詣女席前女四拜升席南向受盞跪祭酒興就席末  
 跪啐酒興降席西授贊者盞又四拜姆導女出於母



左父西面命之曰敬之戒之母起又命之  
曰勉之  
道夙夜無違命

道女俛伏興

奠鴈

賓大門外東面從者以鴈進賓受執左首賓者出請

事賓對曰吾子命某以茲初 賓者入告出以主人命

對曰某固敬 主人盛服迎于門外西面再拜賓東面

答拜主人揖入賓執鴈從三揖至于階三讓主人升

西面賓升北面奠鴈主人侍者受之賓再拜稽首降

立

同牢

席婦

汁醬菹醢

會黍俎腊

會稷魚

會稷魚

會黍俎腊

汁醬菹醢

席墀

饋者引賓入于室女從者布席于奧賓即席姆導婦  
尊西南面女從者沃壻盥于南洗壻從者沃婦盥于  
北洗贊者徹尊幕舉者盥出除鼎舉鼎入陳于阼階  
南西面北上匕俎從設北面載執而俟匕者逆退復  
位于阼東北面西上贊者設醬于席前菹醢在其北  
俎人設于豆東魚次腊特于俎北贊設黍于醬東稷  
在其東設滷于醬南設對醬于東菹醢在其南北上  
設黍于俎北其西稷設滷于醬北壻從者布對席贊  
啓會卻于敦南對敦于北贊告具揖婦即對筵皆坐  
皆祭祭薦黍稷肺贊爾黍授肺春皆食食以滷醬皆

祭舉食舉也三飯卒食贊洗爵酌醕壻壻拜受贊戶  
 內北面答拜醕婦亦如之皆祭贊以肝從皆振祭齊  
 肝皆實于菹豆卒爵興坐奠爵皆拜執爵興贊答拜  
 受爵再醕如初洗爵至受爵皆同無從三醕用盃亦如之贊  
 洗爵酌于戶外尊入戶西北面奠爵拜壻婦皆答拜  
 坐祭卒爵拜壻婦皆答拜興婦還壻脫服于室婦從  
 者受壻從者社于奧婦從者社良席在東北上婦從  
 者餒壻之餘壻從者餒婦之餘贊酌外尊酌之

壻見婦之父母

厥明女家主人夙興盛服阼階上西面立壻升西階

東面再拜主人答再拜見主婦主婦闔左扉立于其  
內壻立于門外東面主婦先一拜壻答再拜主婦又  
拜壻出贊者筵于戶西東上側尊甌醴于房中有篚  
有藪豆主人迎壻升主人阼階上北面再拜賓西階  
上北面答拜贊者酌醴加栢柶面葉出于房主人受  
醴面栢筵前西北面賓拜進受醴復西階上位主人  
阼階上拜送主婦薦脯醢賓卽筵坐左執觶右祭脯  
醢以柶祭醴三始扱一祭扱分爲兩祭西階上北面坐啐醴建  
柶興坐奠觶遂拜主人答拜賓卽筵奠于薦左降出

若親迎則此禮當在婦三日廟見之後矣而今不親  
迎則其壻日壻見父母不可無禮以相見也故恐當

行此禮也若婦見舅姑舅姑醴婦饋舅姑舅姑饗婦等儀當在于歸之後也

### 婦見舅姑

婦夙興盛服儀禮纁笄宵衣家禮止言盛服舅姑坐於堂上東西相

向儀禮舅席于阼姑席于房外今依家禮東西相向各置卓子於前家人男

女少於舅姑者立於兩序儀禮兄弟姊妹皆立於堂下西面此依家禮立兩序

婦進立於阼階下北面四拜執笄緇被纁裏棗栗升自西

階進奠于舅前卓子上舅撫之儀禮舅侍者以入婦與答拜

降又四拜畢詣西階下北面四拜受笄脩升進奠

于姑前卓子上姑舉以授侍者婦降又四拜儀禮升進拜奠

于席今依家禮拜然後升奠卓上

舅姑醴婦家禮舅姑禮之如父母醴

贊贊女贊席于戶牖間側尊甌醴于房中婦疑立于席西

贊者酌醴加柶面枋出房席前北面婦東面拜受贊

西階上北面拜送婦又拜贊薦脯醢婦升席左執解

右祭脯醢以柶祭醴三降席東面坐啐醴建柶興拜

贊答拜婦又拜奠于薦東北面坐取脯降自西階出

授人于門外

### 婦見于諸尊文

同居有尊於舅姑者則舅姑以婦見於其室還拜諸

尊文于兩序每列四拜少郎少姑皆相拜

家婦饋舅姑

是日食時婦家具盛饌酒壺儀禮有特豚合升側載而無魚腊無稷他如取

女禮今依家婦從者設蔬果卓子于堂上舅姑之前禮止言盛饌

儀禮舅姑入于室設盥盆于阼階東南悅架在東舅今從家禮以堂上

姑就坐婦盥升自西階洗盥斟酒置舅卓子上降俟

舅飲畢又拜遂獻姑進酒姑受飲畢婦降拜遂執饌

升薦于舅姑之前侍立姑後以俟卒食徹飯儀禮卒食一醋

無從今依家禮舅姑就侍者徹饌分置別室儀禮婦坐婦即獻酒遂進饌

下今依家婦就餽姑之餘儀禮婦餽舅辨易醬婦下禮以別室

從者餽舅之餘壻從者又餽婦之餘



饗婦家禮饗婦止如室婦之儀儀禮謂舅姑共饗婦以一獻之禮故今從之

贊者又席于戶牖間側尊于房外筐在東有二爵薦

饌于房儀禮有俎今止用脯醢舅姑及婦各有薦設舅洗于南姑洗于北

婦洗于直室東隅筐在東婦立席西南面舅盥酌獻

婦婦拜受爵舅復位姑盥薦脯醢婦升席左執爵右

祭脯醢祭酒三降席東面坐啐酒興又拜婦盥夏爵

酢舅酌進舅前舅受婦自薦脯醢舅祭酒飲卒爵婦

又拜乃取前爵酌酒自飲畢洗爵夏酌以酬姑姑受

爵婦拜自薦脯醢姑奠爵于薦左禮畢舅姑先降自

西階婦降自阼階

饗送者

寫饗送者以一獻之禮酬以束錦姑饗婦人送者酬

以束錦

今不能皆用古儀則止依俗可也

婦廟見

古者三月而廟見今用三日

三日主人以婦見于祠堂如子冠而見之儀但告辭

曰子某之婦某氏餘并同

奔竄中事以儀略

顯光不肖無狀罪大惡極兵火之中神主不保于今  
即當改造而賊猶在境後保難必茲竊以待時平故  
用潔紙方裁題某考某官府君神位某妣某人某

神位隨代隨位各有其紙潔器藏雷臨祭開設考忌  
則配妣妣忌則單位祭物不定味品不限器數凡魚  
肉菜果隨得用之飯羹酒醢隨備設之與其不備而  
不祭不若只用蔬食菜羹猶祭之也且有其誠則難  
得之物雖不可得至如菜物尚可措也雖用菜物如  
能盡誠致潔尚蒙臨饗雖或物無不備器無不具誠  
有未盡且不致潔豈有臨饗之理哉且或不量力分  
要其必辦營求之際不能無苟且于索之患其在吾  
心少或未安則所祭之神亦必不安孝子其可爲之  
耶忌日最不可虛過墓祭如其奔竄遠地者必不得

時省如或有往來之力則雖不可盛備只將魚腊脯  
肉果物等及粘米數升麩末數合臨時釀之炊器經  
宿開見亦甚簡易所貴有其誠而已俗節之薦亦當  
隨時有得則薦之仲月大祭固不可行於此時雖欲  
行之非旅中可辦只當於其月內因新薦略行如俗  
節例可也顯光於寓中可得以行者猶鮮停廢之事  
至於墓祀則考妣墓在仁同或得時省而祖考妣以  
上墳墓皆在星州亂離來一不歷埽常所痛憫者此  
也凡忌祭有位紙有香火茅沙則設位陳蔬果酒饌  
後乃設位紙於位上焚香酌茅而告曰今以其親某

官府君或某人某氏遠諱之辰伏請尊靈降居神位  
恭伸追慕告訖再拜無位紙無香火茅沙則設位設  
蔬果酒饌後只告以其辭再拜則同又參神再拜進  
饌備三獻具祝文則初獻讀祝再拜亞終獻各再拜  
單獻無祝文則獻畢只誦祝辭而告之再拜則同侑  
食再拜有門則闔門無門則俯伏少頃進熟水辭神  
再拜若祭神主則奉出時先告其辭既出卽參神若  
節薦則各設代位陳時需後設紙位于各位上降神  
再拜參神再拜斟酒再拜有祝則讀祝後再拜退伏  
少頃辭神再拜若并祭外祖考妣及無後姊夫姊氏

及婦子姊妹則先祭宗位及宗祔位既撤又設位以祭外祖考妣以下諸位設位不必求茵席陳饌不必求床與盤人家茵席床盤鮮有潔淨只可用油紙鋪設無紙則用新布接幅鋪之無布則用新茅潔藁又皆不妨器皿亦不必求鍤沙器只用柳筍子亦無不可余欲得大竹截其節爲盞而此地無竹未能成也省物減禮固是未安然奔竄之中無物不難雖尺紙寸香亦不易得則不可欠此而虛過是辰且物旣不備而乃欲備禮則徒逐虛文又豈合於忽率草亂之日乎文質彬彬誠是可貴然有質然後有文上古之

時質而已矣三皇豈不知夫文亦不可無也惟在上古之時則質而足矣故不待文而道已盡耳中古風氣漸開人心稍薄必待文然後可明故五帝三王始爲之具其文也今者世經亂離百物俱盡百爲皆廢當在此時必須尚質而殺文一遵上古之俗然後似乎得矣願以是意仰質于有道君子也萬曆二十二年甲午秋草子聞韶寓家

旅軒先生續集卷之七



旅軒先生續集卷之八

雜著

甲子趨朝錄

天啓四年二月十五日聞賊遁已渡臨津 大駕奉

宗社南行駐于公州卽發行三月初五日以掌令

肅拜 上御資政殿 引見 上曰聞名久矣舉義

後欲相見謀國事渴望其上來而屢召不來反躬自

責今日見謝恩單子予心甚喜顯光對曰臣罪甚重

其在山野心常惶憫遭此無前之變不敢自安於家

奔赴 行在而 鑾輿已回臣老病不能追及行到

近旬又聞 恩命因知所措今始來謝惶懼靡容

上曰予之願見之誠副提學鄭經世知之矣顯光對

曰鄭經世遇臣於途中具言 廷中之說臣惶恐待

罪無地措躬 上曰國事至此何以爲之顯光起拜

而對曰自 上有憂民之意公卿以下必體 上意

各自盡心此後民生必慰顯望矣 上曰公卿大夫

所言皆是尋常底事欲聞新語顯光對曰大小僉同

之言必是當行之事就此而篤實行之則必有大效

上曰諺有之當局者迷朝廷之人皆是擔當者恐

或未及思自古方外之人靜養之中必能洞燭其是

非顯光對曰先定大機軸則節目間事自是措置中  
所爲耳 上曰所謂大機軸何事顯光對曰古今常  
行之道公卿僉可之言乃是大機軸也但在奮發振  
作同寅協恭而已公卿百執事所達之外小臣有何  
所見唯以公卿百執事所達之言篤行不怠而一心  
盡誠各息夫致賊之所以然者必由於己矣咸自日  
新其心則必有其效承旨曰此言甚當大小臣僚各  
有此心則豈非日新之道乎 上曰朝廷間處置何  
事爲失而致此變歟願聞之顯光對曰小臣抱病山  
野有何所聞就令有聞何可以塗聽之說仰達 上

聽乎大槩

君臣上下各息其致天譴召民怨之故

則息過半矣小臣此外有何奇語

上曰以今言之

何事爲急務而民弊何事爲最歟顯光對曰事未得

其要則措置之間反爲擾民今當姑如同將滅之燼

數年務爲息肩可也

上曰此言甚是今日事勢適

值軍興不可束手安坐且毛文龍所索極多責應雲

委不能不取給於民故民怨由此而甚多此可慮也

顯光對曰民雖至愚寧不知此但以前時色目因之

徵索且奉行之人號令多門故事致騷擾臣之所聞

於外方父老之言者如是矣百姓騷擾誠爲憂閭騷

擾之機不可不洞察而深去之也 上曰國家元無

蓄積有若貧民隨獲隨食雖逢凶年飢歲減省爲難

且值兵興雖欲休民末由也已如入經大病必須蘇

復元氣而形勢如此知而不能爲最可憫也顯光對

曰 聖上果能憂勤如此則大本立矣何太平之難

致乎但其騷擾色目不可不速除也臣親承 下問

且以村野間耳聞於人者陳達而廟堂必能善爲設

施自 上益加勉勵則可也有何奇異之言 上曰

所陳數款語皆好欲依此爲之外方之事已得聞之

朝廷間何事爲弊顯光對曰外方病伏之人何能與

知朝廷大事屢承 召命而一未來謝常以爲憫今  
遭此變不能退安扶曳上來而此非供仕之年况此  
本職尤不堪當前此屢 召未就恐或朝廷以爲筋  
力可達有所裨補故欲一出而使見者知不堪於世  
用也同月十三日以執義肅拜 上御資政殿引見  
三上曰頃日上疏已省之矣疏中所陳無非緊切之  
語當力行耳顯光對曰臣老病日甚無可爲之事敢  
達淺近之言而自 上優容不勝感激 上曰人心  
世道已至於此太平不可望若賴賢士之共濟則可  
期於庶幾而乃欲見幾而作予甚憫然顯光對曰人

心世道豈無可矯之理乎此在 聖君賢相能有爲而已如老病而退非見幾而作者也臣自顧精神筋力已至衰乏故不得已來去豈欲強爲去計者乎人主以至誠御世則愚夫愚婦莫不感動於神化而實無難處之事矣 上曰都中心與南方何如顯光對曰都民之心臣實不知但聞都民皆自疑懼不能自定云此必纒經變亂之故歟承旨以偷竊國儲者與反側不自安者爲言顯光曰小民無識何知義理之所在自 上蕩滌之使反側者自安則可以定矣都中四方之本都民定則四方亦定矣 上曰迎賊

附賊之輩切勿更問事屢次傳教矣顯光對曰申下  
此教務定都民之心可也 上曰南方賢士某某可  
用之人切欲知之人之爲才大小各異不知而誤用  
則亦爲欠事顯光對曰 聖意求之如渴則自有可  
聞之路若使惟公則當見稱才之實但於亂後鮮有  
力學之士雖自好之人亦不易得只可就其中拔其  
尤者而用之能盡其才而已人才固不可易得而自  
上能盡作成之道則雖平平底人必爲可用之才  
此在作成之如何耳 上曰作成乃聖帝明王之事  
如子寡昧則必待大賢方可望此等事顯光對曰



聖上臨御一世不宜推讓於古人小臣以往昔明王之事業深有望於今日明王事業之大本惟能自修己德者是也 上曰予於賊适徒知其有才而不知其異志用人如此何可謂知人若知之而駕御有方則逆節必不敢萌頃者致變之故皆予之罪尚誰怨尤顯光對曰古人有言小人難其爲小人如使賊适不得逞其凶計當無今日之變也 聖上自反之意如此其盛在朝之臣莫不以自反爲事則轉亂爲治亦何難乎至如一毫癘之微臣其何足爲有無哉使  
之退伏田園亦一善政也 上曰南方人才朝廷遠

未之聞知南中第一人可以舉之耶顯光對曰此時  
 安得第一人若能取用其次而心誠求之則賢士自  
 至矣亦須朝廷百執事同體此意然後庶可以必得  
 而能用矣 上曰朝廷之上若杜循私怠惰之習則  
 或可望治顯光對曰 上教允當事之不理皆由於  
 怠與私果杜此習則何患乎不治一政令一舉措之  
 間可以振起人心自 上既有誠心則在下之人孰  
 不欲盡誠四月初九日肅拜數日前致語故是日為謝元  
 子而出 仍招講學廳書吏令通告于 元子 元子  
 先肅拜 元子 元子  
 曰當見顯光遂詣講學廳入門 元子降庭中東路

迎引以陞。元子陞由東階，顯光陞由西階，堂東西  
并有拜席。元子先就席，顯光亦就席末。元子再  
拜，顯光亦再拜各席北，又各有方席。元子就坐，顯  
光亦就坐。元子曰：聞有歸計，然乎？顯光對曰：老病  
不能供職，故欲退歸耳。元子曰：願毋歸。顯光曰：老  
而耄矣，病而痼矣，不得不歸也。仍進言曰：顯光名屬  
僚末，而老病不能供職，故亦未曾得詣於講廳，得侍  
于講席矣。乃於意外猥承。下問慚悻，既深。今日又  
蒙賜見，悚感何勝。老病耗昏，雖不得仰審。玉貌  
尚瞻。容止雍容，神采瑩秀，誠有亨於吾東他日之

所大望寧非儲 國家無疆之休慶哉竊聞 廳上

方講之書卽朱文公所編小學云此書集經傳子史

中格訓嘉言至德善行實惟彝倫之模範做人底樣

子聖賢道德帝王事業都根柢於此書伏願 孰讀

而體行之 國家之幸如何哉旣訖起敬移刻而告

退遂出十三日上辭疏卽發恐及渡漢江 命牌追

來病未克進疏 批又追到路上及暮工曹卽官以

上命馳來宣諭于良才寓處十四日裁疏陳病甚

莫進之憫遣應一呈政院 批答卽下二十五日過

海平書堂暮還南山弊廬往還凡六十五日留京凡

四十日

丙寅趨朝錄

甲子赴京時 除授工曹參議病不得就職屢辭不  
遞遂裁疏告歸不待 批答而退還還後至六月始  
聞職名尚在於身遂呈本府報使馳 啓乃復下  
旨不遞又不得已裁疏控達然後得遞其秋又 除  
授吏曹參議卽呈病轉 啓未蒙遞 命繼又具疏  
陳懇然後獲遞乙丑夏 除授同副承旨又呈病轉  
啓不遞而 召旨又下遂不得已戒行登程至善  
山地路上馬仆仍傷輟行裁疏封達得遞 除副護

軍仍下旨慰答焉冬末聞啓運宮證勢危重

主上露立禱天至自刃手指滴血試救丙寅春正月

啓運宮喪訃播及鄉野顯光雖以老病退在僻遠

旣聞主上遭至痛在罔極中其於臣子心情自不

得自若於寢食息須一番作動匍匐進詣都下候知

聖躬常度之靡愆然後退還則庶得以少伸區區

情悃有以自安於心矣旣措求騎僕與其糧物猶以

身疾疊作連惠莫能刻期就路者連朔至三月中旬

自除授刑曹參判召旨繼下揆之事勢似不

可較避細嫌浚意赴謝遂撥病作行四月初六日辭

家廟十九日肅拜退投倉洞沈交河渠空宅二十一  
日上辭職疏是日移授大司憲遂連上二疏疏凡三  
上而不改又呈辭至三復加給由勢不敢已乃出肅  
拜拜訖又卽上辭疏而批教愈重遂連疏至三而  
不蒙許改旋復呈辭又三於是始得遞差遂除副  
護軍此五月十三日也又病未得肅拜至十七日

禮葬發引 大駕當哭送于郊外百官陪出而顯光  
獨以未肅拜之官不得隨行又不敢安坐於城中之  
寓乃於 發引前一日先出門外止宿夜半而興行  
祇迎禮是時 禮葬雖過而未卒哭之前 主上一

如初喪時不入外言故既具辭疏而不敢進呈至二  
十七日卒哭祭畢 主上還宮然後呈疏二十八日  
最晚 批答始下 批中有少畱都中之語遂復具  
短疏又陳其不可得少畱之勢以魂宮有祭不敢卽  
呈六月朔日晚跌 主上還宮然後得呈 批答卽  
下因有明日引見之 命是前自初喪至卒哭未曾  
有接見臣僚之事也二日曉始行副護軍肅拜拜訖  
引進從承旨史官入至 御座前席上 主上命進  
來卽詣 榻下起拜而告曰小臣素有重聽之疾出  
路上頗甚今則人之恆言皆不得聽察矣今就 榻



下必不得仰悉 上教益用惶憫焉自是 主上有  
語承旨輒傳 教然後遂得審聽而有以仰酬焉  
主上曰此日卿疏所陳予既具悉矣惟其疏陳之外  
又未有可言者耶如有之則予欲聞之顯光起拜而  
對曰前疏所陳者既舉其大槩矣臣今於暫時之頃  
以口舌之末豈得事事焉枚之節節焉申之哉天下  
之事自有大本源大綱領所謂本源綱領者豈非  
殿下之一心一身哉 殿下之心所體者天德 殿  
下之身所行者王道則忠言不期集而畢集善策不  
待求而爭獻內自朝廷之上外至郡縣之官各出其

水軒集卷之九

誠各盡其心各效其能各展其才俱收並取而用之  
何患夫國政之不舉王業之不立乎此在 殿下心  
身上轉移之機而已也 上有答語而顯光不能聽  
得矣仍又有數端語自 上舉詢顯光仰酬者而俱  
不能追憶蓋其為事不甚緊重故莫之能記得也歟  
自 上又垂調理勉起之語矣顯光因曰小臣所常  
仰望于 殿下者 殿下惟能不忘廢朝時問邸中  
慷慨自持之心又能不墜反正初奮發自立之志則  
幸莫甚矣彼時耳所聞無非無理之聲目所見無非  
無道之狀 殿下十餘年於其間憫默於昏亂之中

危疑而莫能發於言憂憤而莫能形於色臨餐不敢  
味在寢不穩席蓋 殿下之心常自有所在造次焉  
此心顛沛焉此心晝息焉此心夜度焉此心獨居焉  
此心對人焉此心凡天地間可喜可欲可懼可怒之  
物事舉無得以易得 殿下之此心者矣然則 殿  
下之此時此心何如哉既撥其亂始反于正則其位  
乃 列聖所居之位也其緒乃 列聖所傳之緒也  
幾亾而纔存幾絕而復續則當時 殿下之志其立  
也豈得尋常哉其敬天也必欲一息念一意慮之無  
所欺其得人也必欲一片善一小藝之無所遺其愛

民也必欲一弊一瘼之無所及其發政也必欲順天  
理合人情而無所違則 殿下之此時此志何如哉

殿下這心不怠則其於凡所不當為者雖微必無  
所為矣這志不墜則其於凡所當為者雖難必無所  
不為矣此豈非臣民之幸 國家之福 宗社之慶

也哉 上曰卿言是也予當體念焉顯光又曰小臣  
之意竊以為方今若行鄉約則於時務最為宜也

殿下反正之後前後政令大小科條似無不舉矣而  
惟於教化之政一無及焉此今所大欠闕者也且今  
號牌之令已頒於國中大小人名目皆載於簿籍若

於此時專以軍丁之急括賦役之要密爲第一事件則甚非所以慰悅民心者也又非所以政得其本者也姑緩他務先之以鄉約之行使之知夫德義之不可不尚廉恥之不可不勵有以興起其愛親敬長忠君報國好善惡惡之心待其衆志稍定生業稍遂然後編之爲軍旅勸之爲賦徭則人皆知有身之不可無役爲民之不可間遊而自安於分義之當然職事之素定終無有怨上之意矣况風俗之美習尚之正乃皆出於本然之性而只係於導率之機則凡有血氣者孰不歸於教化之中哉教化旣行而天下國家

有不治平者乎此臣之欲行鄉約於今日也 上曰  
卿言是也予當議爲也顯光又曰今日喪禮當初旣  
皆上下其議而參酌講定焉則其在一定之後不可  
復爲之異同於其間而苟議之作今尚有撓故儀度  
節目之間似無紀綱之的定者此不似 國家體貌  
殊爲未安也承旨繼之曰此事果爲未安當行之禮  
旣爲之論定則豈可以一二人之說便可變動焉而  
不無異議之橫撓者此事甚爲未安也 上曰人之  
所見有不同故如是耳顯光曰當初論議未定之際  
各陳所見以備採擇固可也今在旣定之後有復云

云則或是或非疑此疑彼之間事無其統措失其常有如不綱之綱萬目乖紊者矣此豈國家典常之體範乎言終而未得詳聞 上答之語矣 上曰卿今出時須見東宮有所誨也顯光對曰臣之入來也已自 東宮亦下引見之命矣今又承 殿下之特命敢不進聽命于 東宮然後退乎但臣耄病昏聩既莫能有所啓沃於 榻前亦何能有所開發於 東宮哉辭訖而退纔脫玉色衣還著朝服卽有 東宮召入之命乃進于 東宮顯光曰顯光竊聞 邸下往年行冠禮行入學禮其爲慶也大矣而顯光老病

退在遐鄉莫致趨賀其無人事如此也今者承主  
上哀疚中召命而上來因被邸下召見顯光不  
勝悚慙焉因曰邸下卽今所到之年歲卽古聖人  
志于學幾遠大之時節也卽謂之志則心一於所之  
不爲他歧所惑直以聖賢自期待而必常有不爲堯  
舜則不敢已之意焉區區所望於邸下者此志也  
願邸下其立之也必篤焉又曰主上極擇有學  
有道之人用爲宮僚故一宮諸僚又各盡心盡誠進  
講日業之書解釋文義開達道理誠宜邸下亦虛  
心專意詳聽而熟讀之以之積日積月則其有造詣



之驗何可量乎文曰惟我 聖上建反正非常之功  
隆繼述無窮之業可以爲舜文之大孝矣吾 邸下  
克體 聖上之心克嗣 聖上之業者其基址根本  
寔在此時舉國所仰望於 邸下者爲如何哉願  
邸下勉勵焉言訖拜辭而退翌日發還卽六月初三  
日也十五日還故山往還凡六十八日留京凡四十  
三日

碑碣誌銘

金文節公神道碑銘

公諱淡字巨源金氏籍禮安縣曾祖諱方軾奉善大

夫脩巡衛精勇護軍 贈通政大夫使曹參議祖諱

輅左右衛保勝郎將 贈嘉善大夫戶曹參判考諱

小良永柔縣令 贈資憲大夫兵曹判書三代之

贈以公貴也妣平海黃氏資憲大夫工曹判書有定

之女也公生於永樂丙申十一月丙辰卽我 太宗

朝也宣德乙卯春登第卽我 世宗朝也階陞例秩

特 命超除雖多履歷今爲公何足陳哉諡曰文節

蓋取其平日躬行衆知之實而用號焉旣曰文又曰

節必非泛加之稱也我 國家聖繼神承培養教化

人才作興在 世宗朝最盛公於當時出與集賢殿

羣英齊名其生其達豈非應時者乎墓無鐫刻公之  
五世孫前正郎友益遠來索銘顯光本無筆力有以  
發揚人善况此耄荒癯痼斷事久矣其何能做得傳  
後之辭哉辭之既固懇猶不已誠不忍直拒茲不獲  
已敢爲之效拙塞望就按狀公之行者權公鎔也文  
不溢美矣有曰生而穎悟幼好讀書則資稟之秀也  
有曰襟懷溫雅學問精明則見識之貞也有曰出牧  
三州入典銓衡簡而有制直而有容則宦業之亨也  
至於田稅加減之制曆筭推步之法必待公手而定  
則其以公輔材器愜于僉曰之舉者明矣及其末年

特授銓長之職而終不就其志亦可想矣然則諡以文節者非其實得耶卒以成化甲申在歲四十九歲公娶成均直講文獻之女有四男萬石萬鈞萬杵萬引其行也有五女李秀亨權瑀柳大承金啓昕琴致湛其序也其後內外諸裔多人至有德位俱尊有以鳴世範俗則豈非餘慶之必有也哉銘曰

偉人之作豈是尋常功存社稷法垂朝堂公出應運佑我東方土順地理遺澤無疆辰分天象裁輔有綱若其細行不言而章事載國乘何待銘揚賓洞山

下榮流溪長

廣平君李公碑銘

公諱能字未傳李氏籍星山乃星山大姓之一也曾  
祖茂材司宰同正祖永奉順大夫考杜文判樞密院  
事嗚呼世代既遠記載金逸公之德行事業末由攷  
知而人若道本州姓氏人物則公未嘗不舉焉豈惟  
公之爵位尊顯哉蓋必有實績之著赫當世者也况  
在今積歲莫記年之後有此饜蒸修壠之事者亦豈  
非餘慶流澤之可驗也哉有子曰希廣女適小府尹  
李緘皆有後裔今不可盡記封塋改築已涉多歲而  
邦撓未靖不遑設碑今始豎焉莫是今州城北十許

里巖浦山之原也方其土役也崔侯山立牧州而莅其事今此石役也柳侯時會臨治而致其誠二侯皆公之外裔也事訖有祭參事者內外諸裔之近居者也凡若干人銘曰

嗚呼封塋閱幾星霜而乃至於覆隍又閱幾星霜而復見其若堂人皆謂之數哉君子謂之天也其類也其修也不期然而自不得不然此理非天而然耶其將百歲而五患莫及蓋取諸大過者予以得焉

觀察使鶴洞李公墓誌銘

公之胤前郡守民寘奉公行狀來索壙銘顯光祥以

耄荒則郡守強之益堅茲不獲已遂據本狀而約之  
公姓李氏貫永川諱光俊字俊秀其先有諱暉當高  
麗忠烈王時討哈丹賊有功授別將累官至上護軍  
其子永堅典工判書卽公九代八代祖也數世後自  
永川移居于軍威縣西村曾祖諱宗林 贈通訓大  
夫通禮院左通禮祖諱世憲成均進士 贈通政大  
夫承政院左承旨兼 經筵參贊官考諱汝諧 贈  
嘉善大夫吏曹參判兼同知義禁府事三 贈皆以  
公貴也妣一善金氏卽判事諱成美之後諱亨孫之  
女公生於嘉靖辛卯七月己未自幼篤志力學登壬

成文科由成均學諭例陞至典籍歷刑曹佐郎正郎  
河東昌寧縣監林川醴泉郡守時兩親俱在魏齡公  
克致尊城之養萬曆壬午丁內艱甲申丁外艱服闋

除青松府使轉成均司成內資寺正江陵中和府

使掌隸院判浚事忠州牧使刑曹參議江原道觀察  
使是公履歷也歲己酉七月某日終于正寢享年七

十九 朝廷遣禮官賜吊祭明年正月葬義城西霞

峴兌坐震向之原公天性剛方律已以正其在成均

多士莫敢侮焉居官守法不畏強禦壬辰春拜江陵

赴任未幾倭寇充斥列郡瓦解公厲氣治兵爲必守



計賊將吉成傳檄而行持檄者來府公卽令斬之遂  
領軍據山賊兵突至終日力戰斬獲甚多 行在所  
聞而嘉之褒賞陞秩旋以本道巡察憚公剛直誣  
啓被罷公於是直赴 行在所時海西中和郡其在  
賊初私相團結討賊甚力以此被燹尤酷 朝廷褒  
以忠義特陞爲府仍 命擇宰公以副擬受 除旣  
赴任舉境丘墟儲無斗粟天兵絡繹糧餉克艱加之  
以饑饉癘疫餓孳枕藉公卽令吏民之潰散者刻日  
聚集莫敢少後乃自削衣貶食日夜拮据拊循瘡痍  
賑救飢荒又大設屯田措給農具操練卒伍繕治軍

器重勅學校營建公廨事皆各有條理一境戴若父  
母盡心趨令未數晷流以畢還民物繁庶荒蕪四闢  
倉庾盈實屢蒙 嘉獎特加表裏瓜既滿又仍三載  
府民建碑致慕及聞公歿聚哭設奠於碑下焉公自  
觀察使期滿而還後婆娑優遊者幾十年雖在高齡  
猶康寧無衰氣兩子立朝頭來省覲朝夕列侍怡愉  
如也見者榮歎焉夫人平山申氏高麗太師壯節公  
諱崇謙之裔曾祖允完縣令祖宗輔奉事考權宣務  
郎夫人治家嚴而有法教訓諸子一以義方鄉里稱  
之生於嘉靖己丑終於萬曆己丑享年六十一人

墓 贈貞夫人生三男一女男長民宏承仕郎次民  
成文科左承首次民寔文科前郡守女適鄭士信文  
科判浚事承仕郎娶部將周命新女生一女適士人  
金光岳承旨前娶士人權文淵女後娶察訪南以仁  
女俱無出養弟之子廷機爲後民寔前娶生員李山  
岳女早歿後娶郡守洪龜祥女生五男四女男長廷  
相生員次廷楠廷機廷材廷彬俱業儒女長適士人  
李禔女適察訪朴珪衢次適進士申弘望次適士人  
宋世彬判浚事生二男二女男長億早夭次仕進士  
女長適洗馬柳端次適士人金時忱曾孫男女總若

千人公剛明端重識量幹局不但百里之才而位不稱德然壽考福履世罕與比天之餉公者其亦不為不厚也哉銘曰

起自鄉村早躋朱門可謂擢也八莅專城治必有聲可謂績也玉飾衣冠方面任官豈非達乎祿及庭英贈賁所生豈非赫乎三胤成行仲李顯揚慶之發也壽享高齡終待時平福之益也內外有孫宜綿後昆香火之陳寧有熄哉

左承旨敬亭李公墓誌銘

李氏籍永川其一派遷居軍威有七世又分而遷義

城抵公爲二世公諱民成字寬甫曾祖 贈承政院

左承旨諱世憲祖 贈吏曹參判諱汝諧考行江原

道觀察使諱光俊妣貞夫人平山申氏高麗太師壯

節公諱崇謙之後宣務郎權之女公生于隆慶庚午

十一月壬申幼而聰穎僅七八歲已曉文義器度端

重藻思發越見者已識其爲非凡遂能致勤積功以

至成就己丑丁內艱丁酉登廷試授承文院正字辛

丑拜承政院注書壬寅除 世子侍講院說書陞司

書差奏請使書狀官往還癸卯拜禮曹佐郎移兵曹

佐郎兼知製 教甲辰陞正郎乙巳 朝議欲補天

文下三書集卷八

官郎爲當路者甚擠以公應濟州點馬之命人有  
言其過海之危者公笑應之曰濯足南溟振衣漢擘  
豈不悵哉旣到州鈴束從人嚴飭三邑點馬之外一  
無所撓纔竣事卽發迴船辭朝四十餘日而復  
命遂托以親病挈家南歸戊申春除司憲府持平時  
朝廷方罪權奸企黜其趨附公論事公平一時註  
羅賴公得免者亦多有一諫長構暗昧將劾相臣李  
德馨公終始力折之俾不得發論未幾遞拜文學其  
冬復拜持平賜暇湖堂己酉選入玉堂差遠接使從  
事以親病不赴秋丁外艱癸丑拜禮曹正郎弘文修

撰陞校理鄭造以掌令發論請別處大妃欲因爲  
廢黜計獻納柳活附會之公與一二僚上劄極論造  
活之罪公論莫不韙之李爾瞻亦構陷李德馨公極  
救之終不能止仍坐罷而歸甲寅復拜校理辭遞乙  
卯拜修撰爾瞻又欲論李元翼公知不能止辭疾南  
歸前在光海追尊生母時百官進賀箋公以知製教  
有魯國成風之語爾瞻論以不敬削奪官爵自此間  
廢多年左右圖書晝夜讀玩殆忘寢食癸亥 反正  
卽以宗簿寺正兼司憲府掌令拜奏請使書狀官當  
由海路人皆危厲公怡然就途及至皇都朝論乖張

沮遏百端而呈文辨誣周旋得宜竟得請而還甲子  
以成均司成陞秩除刑曹參議病不赴乙丑拜同副  
承旨未幾陞左承旨丙寅秋辭遞復拜又病辭丁卯  
冬又拜承旨戊辰秋辭遞前後任喉舌數十箇月夙  
夜宵密啓沃良多事務雲委舉行如流院中皆稱道  
之己巳夏除刑曹參議辭以病八月十五日疾終于  
正寢享年六十訃聞自上震悼特命致賻中外士  
流莫不嗟惜其年十一月三日葬于先大夫塋下卽  
義城縣西霞峴兌坐震向之原也翌年庚午秋公之  
季前郡守民寘來謂顯光曰葬兄之日不及致銘于



擴故敢以請焉顯光亦嘗有知許之分不敢牢辭遂  
奉閱其行狀則大槩如右公以英特之姿加文學之  
博通遍古籍該貫無遺畱意世務儘有商量可謂適  
用之才也知公者皆望其大有展布矣而公於勢利  
所在謙退遜避若將浼焉故進寸退尺前後出入臺  
閣黽勉而行旋即退歸是以未嘗淹三年在朝唯以  
杜門燕居看書吟詩爲事平生著述無慮累千篇清  
新雅健有古作者風今收拾無所失墜圖所以傳之  
也然文章特其餘事耳公之孝友乃其所立本也而  
行己也端發言也和處事也審接人也寬此皆實德

也公前娶士人權文淵之女後娶察訪南以仁之女  
俱無出以郡守之子廷機爲後方在几筵下銘曰

生挺器材幼礪志操宦業外由豈公之奧無心俗營  
絕意苟冒不喜紛華恆戒放倒懼已流頽疾人驕傲  
豎立旣貞自有攸好貫穿書史今古曾中撰詠是事  
追古人風一味恬靜俗子時同沈淪猶適心懷常融  
退息雖堅人望益隆天奪遽促萬事雲空遺篇畱世  
必有知公

洗馬鄭公墓碣銘

公諱某字某延烏鄭氏十七代祖諱襲明高麗毅宗

朝樞密院知奏事以直諫見忤仰藥而死事在高麗  
史七代孫諱仁彥典工判書判書有兄諱仁壽其曾  
孫曰諱夢周仕麗末以道學節義從祀聖廟鄭氏自  
此尤赫大判書生諱光厚判尹是生諱瑛是生諱文  
備是生諱卿緇公爲五代六代七代八代祖也高  
祖諱聞英曾祖諱世弘承議郎訓導祖諱瑒成均生  
員考諱三變中癸酉司馬兩場丁丑登別試文科辛  
卯爲居昌縣監值壬辰倭亂以討倭功陞受工曹正  
郎旋以時事日急不宜遞易仍任縣監娶星山李氏  
隴西公裔也以丁卯八月二十日生公于慈仁第公

生而穎悟氣宇清高書不多讀已稱為善屬文萬曆  
辛卯捷鄉解不利于覆試仍廢舉業專心學問有或  
勸以赴舉者公不肯從益以爲學有直實地也癸巳  
丁內外艱雖在喪亂中葬寔奠祭哀禮俱盡見者悅  
服服闋與同志諸人入紫陽洞上流共卜幽居之所  
卽今立巖村也邀我卜鄰余遂挈眷來寓公爲之接  
遇一出誠款余之卷入太白山中也公非有故則皆  
從之同遊相長之樂可掬也乙巳名聞于 朝除  
王子師傳辛亥除洗馬侍直皆不就益其初志不變  
也歲丙辰以疾終于伯氏宗家其日實六月二十一

日也余聞其疾篤馳往相見氣息雖奄奄精神猶朗如也綢繆之情臨設之言念之如昨日也噫時移事變老夫今夏入巖而良友不在斯道益孤吾當作何如懷也公孝友出天篤實過人奉祭祀誠敬一遵禮文立約門族春秋拜墓雖其外宗代遠之墓亦必以時展省至於事兄如事父視兄家猶己家敦睦族姓有事必盡誠相顧雖嘗不樂仕於朝而一念猶倦倦於向君憂時慷慨出於血誠及其遭懿仁王后及宣廟喪皆用菴制而其持身處家與服三年者無異每遇國忌必終日行素凡茲行誼之篤實人

所難及者也嗚呼以公資稟之美志尚之正操守之  
確踐履之篤卒之從事於斯學其成就之卓卓豈可  
量哉而不幸中罹痼疾天不假年曷不為千古慟也  
公享年五十以某月日葬于某山某坐某向之原公  
娶月城金氏將仕郎軍資監參奉澣之女生三男六  
女內外曾玄孫男女若干人銘曰

有生孰無天畀與焉勿失墜者固鮮矣為人孰不居  
人倫倫焉能盡職分者亦寡矣公之在世也未嘗不  
曲盡於人事天理之當然雖謂之行全而德備亦可  
矣非我私之而有是言惟其德行果自如是矣

進士朴公墓碣銘

君名弘慶字孝述系出密陽高麗三重大匡都僉議  
右政丞諱華之後中世移龍宮地高祖成均進士諱  
某聘于善山府海平縣古里村居金海許氏之門因  
居焉曾祖諱某成均進士號龍巖師事松堂朴先生  
聞性理之學晚又屢馳書講質于退溪李先生李先  
生乃以神交許之及終銘墓碑祖諱某成均生員克  
持庭訓不幸歿以无妄不克大其成就焉考諱某早  
孤未及受訓於庭而自能志學在十六七歲時已登  
于退溪門有所聞矣家居樂善以觀書教子爲業至

壬辰寇亂有義旅功授軍資監參奉丁酉遇賊不屈  
而見禍妣平壤趙氏宣務郎仁復之女君生於萬曆  
甲戌兄弟四人而君其長也癸丑兼中生進二榜君  
稟質柔順既承世傳之家訓又受室於退溪之孫直  
長安道之女遂有餘教之襲知夫義方固可以有為  
矣而幼經喪亂遭家酷禍心氣太傷莫能用力於繼  
述之業未到半百之年致疾不救即天啓壬戌四月  
也是年十二月葬于愚谷後山子坐午向之原無胤  
男君嘗取其季晉慶第四子愼養之臨歿遺命呈禮  
部女二長適德水李振次未字後三年乙丑碣而銘



之

愚谷之村君永弗諼謂爰將老買屋開園今茲幽宅  
屋上之原羣巒疊疊衆流源源有寧體魄福延孫孫

進士高公墓碣銘

公諱某字某姓出安東某官諱得宗其遠祖也曾祖  
碩全禦侮萬戶祖識不仕考 贈朝散大夫司導寺

僉正諱夢聃娶東萊鄭氏教授世亨之女嘉靖甲申  
生公于善山府之海平縣八歲受詩十七歲隨父母  
遷居于尚尚多聞人公就爲之師友公之兄弟六人  
而公及杜谷公最名焉公以家貧親老篤志舉業所

居必有書室以爲講讀之所或羣居取益或靜栖獨  
做一年在家僅數箇月自弱冠凡舉於鄉試者殆鮮  
欠榜至甲子始占上庠可謂困矣志旣莫遂無以爲  
爲親計則乃求掌訓鄉學其志可謂窮矣拘於家勢  
不得住家累於親庭之側則其距一息程矣或緣疾  
故省覲不能躬焉則走人候問未嘗曠停於其往返  
必下堂送迎酒食與饋辭意懇惻故雖至愚僕僮值  
大寒暑無敢有厭苦意辛未丁內艱廬于壠下日共  
諸兄弟上墓哭拜而退以終三年萬曆己卯遭外艱  
廬守終孝一如前密時公年近六十羸毀難支親舊

固勸從權終不從只用藥餌以支持焉然憂哀之餘  
遂成病根及丙戌秋疾作丁亥正月五日終于丹邱  
之居公性質篤厚容儀端嚴言不急遽行無崖岸於  
書鮮不涉閱於事殆無闕遺其誠於追遠則必謹齋  
戒不接外人值忌悲哀如在初喪謹於奉公則租賦  
徭役聞令卽行不或後時儉於自奉則非有祭祀不  
著苧紬非有賓客不設重肉厚於待人則人無大小  
自盡烟幅公平居必正席置案案必有書書冊筆硯  
必令整頓冠巾几杖必有常處居室有窗向北公晨  
起衣冠終日其下故自號北窗子弟雖燕待不許褻

服晚歲教導幼少從學者常數十人講說開曉至忘  
寢食此皆家居之業也所述先世譜牒逐年日記及  
凡前後製作積成卷表者俱失於兵火云公配昌寧  
河氏習讀應澄之女先公四年而歿二子長騁雲業  
文早鳴累舉不成季騷雲生員騁雲二子二女其長  
太虛進士次太建長女適士人李遠樹生三子皆幼  
次適文斐然其子博進士女幼騷雲子太和女適朴  
履慶生四男一女亦幼公臨命以不得祔葬先塋爲  
願懼其孤以告諸諸父則杜谷公定其議尚之舉鄉  
及遠近親舊與曾從受業者共出財力以其三月歸

季年僉正公墓下乃古人洞艮坐坤向之原也翌年  
戊子二孤又竭力經營遂遷其妣墓奉祔于公塋之  
東頃在兵火之後騁雲歸自流離直抵松楸哭奠之  
餘仍息所以時省便宜之計則遂卜近塋之村以居  
之今又具碣請銘焉銘曰

人爲子職不須顯揚隨分盡心亦足有常惟公志業  
終始其臧敦信自持取重鄉邦有胤能幹不墜終命  
豎碣鐫銘以永瞻敬

金秀才爾後墓碣銘

秀才名爾後字子承高麗朝太子詹事金龍庇其十

二代祖也曾祖 贈通政知中樞府事亨胤祖宣務  
郎軍資監主簿安繼父近當世之儒林老成娶禮曹  
正郎權暉女萬曆乙巳生秀才秀才質美而篤學於  
俗習脫如焉朋儕皆親愛之今聽秀才慈君之言則  
曰秀才嘗欲略倣禮文著爲一家喪祭恆式而未及  
果焉臨屬續口號四言文字其首語卽孝悌忠信也  
則蓋其平生志也天於崇禎辛未之孟夏之中旬七  
日翌年二月四日壬申葬于內林山丑坐之原配密  
城朴氏進士弘慶之女祖軍資監參奉遂一曾祖成  
均生員灑高祖卽龍巖公諱雲公受學於朴松堂之

門爲一善聞人間前有孝子碑母李氏退溪先生之  
曾孫女朴氏生以甲辰歿先秀才二歲葬在義城地  
今乃遷同於秀才之墓有一男曰喬齡方六歲李氏  
在堂痛傷其夫婦之俱夭圖其傳後之要旣具短碣  
來請數語於耄昏情不敢辭又甚悲其慈意遂以銘  
生連甲乙美同天質配作夫婦幽宅一穴

佔俸齋金先生神道碑陰識

右銘具序乃洪相公貴達撰也先生事業文章其大  
槩俱在其中豈容後人文字瀆贅之哉本府人慕其  
德業鐫豎於故閭前矣而不保於壬辰兵亂亂定之

後鄉人咸思重建而不暇焉今府伯李斯文惟達依  
府儒之齊懇取刊舊文豎諸舊道府人仍欲陳其首  
末并錄於銘下故書此而遺之嗟乎先生歿後不幸  
昏朝亂政權奸煽禍慘至禍及泉壤尚忍言哉雖然  
先生之道有何損哉竊聞當時名人俊士之輩出其  
門者不止十數焉寒暄一蠹兩賢皆其所獎拔也今  
者府人慕尚不已於經亂之後適值賢府使之莅府  
而獲遂其宿願又擬移卜廟院于吉地以為師宗之  
所焉益亦斯文之亨運也

行狀



芝山曹公行狀

公諱好益字士友曹爲昌山大姓麗初有諱謙尚高麗太祖神德王后女德興公主爲門下侍郎平章事以下繼爲平章者八代爲少監者五代至十八代有諱益清爲左政丞歿後配享廟廷高祖諱末孫官至通訓大夫平壤庶尹曾祖諱致虞通訓大夫司饗院正祖諱孝淵通善郎禮曹正郎考諱允慎本職司直以遺命不錄後贈資憲大夫議政府左參贊以公有宣武功推恩也妣仁同張氏嘉善大夫都摠府副摠管延福君末孫之孫宣略將軍仲羽之女也嘉

靖乙巳十月二十一日庚戌生于昌原府之私第生而岐嶷端厚沈重不妄笑語八歲就學能解文義家有一小房獨處其中未或少倦其家人以爲小房子云稍長篤於爲己之學少無速化之意經傳子集無不博通精究十六歲時求邵子皇極經世書朱子大全於周斯文博周以此書非年少所宜觀不許借公退益惕厲杜門靜處必須終卷就食夜則懸髻警寢至於事父母日必晨昏定省朝夕奉養無不躬焉少有不安節則不脫衣帶不甘寢食友于備至雍睦異於他人鄉里共敬服之公不屑舉業而爲親黽勉遂

魁夏課連貫三場丁卯陪退溪李先生赴于京師適  
值明宗大喪歸昌原家辛未丁父憂壬申丁內憂  
哀毀過制幾不能支乙亥春以國喪未卒哭不行  
禫事三月崔滉以本道都事到昌原差公爲檢督一  
日迫納間丁五十名公充納家奴十五名而方在重  
病中不克就庭則崔益發怒摔致巖杖其明日推捉  
不已而公病甚不能造崔怒益急遂以土豪名之以  
啓仍配邊遠公談笑登程不少有咎崔之語委之  
於天而已及至配所構屋數間名以遂志齋風雷堂  
堂南有溪臨溪築鳴玉臺浚衣幅巾默對性理諸書

以終日繼夜此其事業也至學徒全集無可容止則  
卜地建院將享以晦庵朱子從以退溪未及請額於  
朝廷而值亂停之與其學徒設筵具位教以鄉飲  
酒之儀又立學規導以孝悌忠信之行當時寓藝清  
寒不免屢空而處之裕如或有饋遺公辭之曰邑有  
公債足以資活不必相煩於私救崔雖妄咎於一時  
致公至此常深後悔至或奏解於  經席一日公受  
由行過京城崔遂投謝曰聞公在江東不少語及於  
前事此尤賤妄受殃之地也言不容口悔意溢於言  
表此可以見公之以直報怨之德也至壬辰五月

宣祖聞難西幸至松都垂問訖除金吾郎召赴行  
在而其後 恩眷不可盡記如屬以倡義之任賞以  
遷職之命者非止一再階至折衝爵陞三品當時有  
聖旨曰爾自中和盡誠討賊平壤旣拔旋赴北道  
轉鬪南下能致斬獲予甚嘉悅茲遣宣傳官賜鹿皮  
一令用表爾功爾其體予至意更加戮力其爲 聖  
寵恩眷有若是矣若其經任者有五邑曰本道之大  
丘星州關西之安州成川定州也除授而未赴任者  
有二邑曰本道之善山湖南之南原也其在定州也  
先瑩之在昌原者被倭賊拔掘以公病重慮聞變加

重不卽以告公疾愈還至竹嶺始聞其變徑赴昌原  
營修舊墓一依改葬儀事訖歸寓于永陽陶村畱過  
四歲又以村近大路頗有不靜時節癸卯春移卜郡  
南芝山洞結茅齋名以拙修堂用朱晦庵詠蘇詩之  
意也堂南有小池名以桃花潭置小艇池岸別立一  
間揭號玩餘右築一壇種以花竹名以忘懷又鑿小  
塘于傍種蓮數莖又築知魚臺於西偏其東有峽口  
巖琮瑋巖逍遙石皆其所自命名者也公齋居玩索  
之餘有時乘興杖屨逍遙於各所或有冠童在傍則  
令詠陶山十二曲以助閒中之趣焉每於初昏仰觀

天象時閱周易而弄筭焉外人則莫之知也已酉八月始嬰疾痼或曰甚而不廢看書易筭之暮扶坐取看案上書卽朱子大全也顧謂左右曰此冊子必以老翁不在爲憾也言訖氣盡不復起焉其日卽八月十八日酉時也享年六十五其冬十二月二十二日庚午葬于郡南松青山震坐兌向之原從先壠也郡中諸儒將設講堂於拙修堂之東爲其講論之所未及訖役公忽見背及其襄事之訖仍爲之修畢以癸丑十二月五日行奉安之禮嗚呼此錄乃公門人朴君暉明叔之所述也公十七年於配所南還之後上

舍以同郡之人受業屢年其所見得者淺焉豈有阿其所好而爲之說者哉竊看古今世中稟受之美人或有不從事於學問而能有其終者蓋鮮矣公之所得於天者既異於恆人而其言曰本自有經傳癖則其所自得於黃卷中者爲日月已多乎其於十七年間潛心默會於聖賢言語中者爲幾何哉想其自咎對人者時節許多而無一言或及於崔怒之妄一以命數委之則此豈凡人所得而能之哉及其南歸鄉邑也日用常行之事莫非古人之遺範而若以家間祭祀者言之凡百具需臨時新備雖有餽餘之庶



羞必命一少分遣親舊不令有餘遺臨祭之日不但  
自身及諸幼齋潔致嚴雖其婢僕兒童亦令前期齋  
沐裹其口鼻然後具饌執役其餘器皿諸具無不致  
新致謹或不如意則嚴加警飭此等凡措豈處事不  
能精詳者所敢爲哉然則十七年置諸逆境者莫非  
造物者爲公爲之平生地也人皆謂之不幸而我則  
以爲幸也至於宗家廟屋燬於亂離而更修焉從弟  
善益沒盡家累而無後使之皆有所區處焉此亦無  
非公所經營者也豈恆衆人力量所及哉公先娶金  
海許氏縣監磁之孫許氏先公歿於關西公每以不

克歸葬言于門下諸人繼娶居昌慎氏皆無後以其  
仲兄生員希益之第三子以需而後之以需有一子  
軫軫亦有女無男而天公聰明過人見書必記故博  
覽異於世儒常以開解後學爲意所著有家禮考證  
心經質疑考證周易釋解雜問近十編而亂中亾失  
今所存者惟理氣儒釋二辨而已大學童子問答性  
理大全亦有考證惟大學童子問中平天下一章未  
及卒業焉顯光晚拜於永陽之陶村一接容儀知公  
學識非俗儒所及而自顧已入耄病之境公之暮佳  
頗澹僻而不享永壽故莫得悉聞緒餘今因明叔所

錄述其大槩如右

贈參判砥柱軒李公行錄

德山李公諱奎文字士彬號砥柱軒六代祖諱愉嘉靖大夫咸吉道觀察後五代祖諱師孟永樂十有二年太宗十四年甲午以生負登第戊戌書筵正字同年注書 世宗辛丑正言吏曹正郎丙申舍人副提學兵曹叅判 贈吏曹判書謚溫惠公高祖諱云顯縣令曾祖諱昉縣監祖考諱叔明忠順衛考忠順衛諱衡缺兒時受業於樂齋徐思遠之門才氣過人素有文詞風就之名當世推望矣十七歲投筆人皆

愛其蔚然宏遠之稟質百般喻止不聽十九登武科  
宣廟朝萬曆二十年壬辰洪原縣監甲午扶安縣  
監丙申星州牧使丁酉軍威縣監癸卯鍾城府使又  
爲江界安東乙巳行折衝將軍全羅左道水軍節制  
使缺壬辰有破倭之功甲寅有異社之勲受錄券  
二件及卒賜祭禮葬焉贈嘉善大夫兵曹叅判  
兼同知義禁府事公深於學問常以清白居官故當  
時儒賢莫不許之公早遊宦海治績多方可知其守  
量之宏達才器之兼備也歷宰八州撫摩善治指揮  
戎事多樹軍功郭再佑之投檄遠示自邀合勢者亦


有水鏡照月之鑑矣大抵壬辰之亂若非如此堡障  
秉忠之節則國家安危孰能可辦公之子允元卽我  
門弟而感其先君之往事功績恐或無傳請余記實  
而我亦於公文情友道益倍生時豈無山陽之感涼  
乎噫曠昔裴楔事或有鄉友之論而身被莫重 國  
恩當此亂時而不無君臣朋友之一毫差間閫職之  
臣臨變則秉忠處鄉則有信何可深說於此時兩難  
之際耶公之友道舉一可知者大邱人李昌仁合眷  
避亂於公之衙所而分縻救活則况是同井之友乎  
赤羅之治有士林餞別之序椒井之浴仙查之遊是

皆道德真儒而相與賦詩作序李公之深學可知而  
居官清白亦足想矣文以武兼道以交友人之最難  
者而悉行之仕朝處鄉特立適義也略叙萬一如斯  
云爾


旅軒先生續集卷之八終

入 十 卷 賦

入 十 卷 賦



入 十 卷 賦



入 十 卷 賦

入 十 卷 賦





卷之三

卷之三

卷之三

卷之三

三